

Broj: 02-33-4709-1/23
Sarajevo, 28.09.2023.godine

ZASTUPNIČKI DOM
PARLAMENTA FEDERACIJE BIH
n/p Tajnika

ZASTUPNIČKI DOM
PARLAMENTA FEDERACIJE BIH
N/p Admir Čavalić, zastupnik

VLADA FEDERACIJE BIH
n/p Tajnika

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 06-11-2023			
Org. Jed.	Broj	Priloga	Vrijednost
05/1	- 02 -	246	/23

PREDMET: Odgovor na zastupničko pitanje – dostavlja se

Veza: Akt Tajnika Vlade Federacije BiH broj: 03-04-96-2/2023 od
28.07.2023.godine

Poštovana/i,

Federalno ministarstvo zdravstva zaprimilo je akt Tajnika Vlade Federacije Bosne i Hercegovine broj: 03-04-96-2/2023 od 28.07.2023.godine, sa zastupničkim pitanjem na koje se traži odgovor. Naime, Admir Čavalić, uvaženi zastupnik u Zastupničkom domu Parlamenta Federacije Bosne i Hercegovine, temeljem članka 11. Poslovnika o radu Zastupničkoga doma Parlamenta Federacije BiH uputio je zastupničko pitanje iz oblasti zdravstva.

S tim u svezi, u privitku akta dostavljamo Vam odgovor Federalnog ministarstva zdravstva.

S poštovanjem,

MINISTAR

Dr. Nediljko Rimac



PRILOG:
- Kao u tekstu

PARLAMENT TECHNICAL
 BOARD
 FORM 1 (REVISED)

Printed on 11-11-2023			
Page No.	Page	Volume	Year
1/2	1/2	1	2023

The following information is provided for your reference. The details of the project are as follows:

Project Name: [Faint text]
 Project No: [Faint text]
 Date of Issue: [Faint text]

This document is the property of the Parliament Technical Board. It is to be used for the purpose specified and is not to be distributed outside the organization.

Signature: _____
 Date: _____

**ODGOVOR
NA ZASTUPNIČKO PITANJE ČAVALIĆ ADMIRA
ZASTUPNIKA U ZASTUPNIČKOME DOMU
PARLAMENTA FEDERACIJE BOSNE I HERCEGOVINE**

Sarajevo, rujan 2023. godine

Admir Čavalić, zastupnik u Zastupničkom domu Parlamenta Federacije Bosne i Hercegovine, sukladno članku 11. Poslovnika o radu Zastupničkoga doma Parlamenta Federacije BiH („Službene novine Federacije BiH”, br. 69/07 i 2/08), postavio je zastupničko pitanje:

„Zanima me koje aktivnosti Federalno ministarstvo zdravstva sprovodi u vezi promocije darivanja krvi na području FBiH?”

Na postavljeno zastupničko pitanje Federalno ministarstvo zdravstva daje sljedeći

ODGOVOR

Zakonom o zdravstvenoj zaštiti („Službene novine Federacije BiH”, br. 46/10 i 75/13) utvrđuje se da se društvena briga za zdravlje, pod jednakim uvjetima, na teritoriju Federacije ostvaruje osiguranjem zdravstvene zaštite stanovništvu Federacije, kao i grupacijama stanovništva koje su izložene povećanom riziku obolijevanja, zdravstvenom zaštitom osoba u svezi sa sprječavanjem, suzbijanjem, ranim otkrivanjem i liječenjem bolesti od većeg socijalno-medicinskog značaja, kao i zdravstvenom zaštitom socijalno ugroženog stanovništva. Spomenuta zdravstvena zaštita obuhvata, između ostalog i službu prikupljanja krvi.

Citirani Zakon o zdravstvenoj zaštiti u članku 118. propisuje da je Zavod za transfuzijsku medicinu Federacije Bosne i Hercegovine (u daljnjem tekstu: Federalni zavod za transfuzijsku medicinu) zdravstvena ustanova koja obavlja transfuzijsku djelatnost na teritoriju Federacije, sukladno propisu o krvi i krvnim sastojcima. Federalni zavod za transfuzijsku medicinu pored poslova iz stavka 1. ovoga članka, između ostalog, koordinira promociju i organizaciju davanja krvi s Crvenim križom Federacije.

Nadalje, Zakonom o krvi i krvnim sastojcima („Službene novine Federacije BiH”, broj 9/10) uređuje se ustroj transfuzijske djelatnosti, uvjeti i standardi kvalitete, sigurnosti i nadzora u prikupljanju, testiranju, preradi, čuvanju, distribuciji, izdavanju i uporabi ljudske krvi i krvnih sastojaka u Federaciji Bosne i Hercegovine (u daljnjem tekstu: Federacija), financiranje transfuzijske službe, kao i druga pitanja koja se odnose na transfuzijsku medicinu.

Člankom 2. navedenog Zakona o krvi i krvnim sastojcima utvrđuje se da se prikupljanje, testiranje, prerada, čuvanje, distribucija i uporaba krvi i krvnih sastojaka u Federaciji vrši sukladno direktivama Europske unije, preporukama Svjetske zdravstvene organizacije, preporukama Vijeća Europe, dobrom laboratorijskom, proizvođačkom i kliničkom praksom, kao i drugim propisima iz ove oblasti. Djelatnost iz stavka 1. ovoga članka, obavljat će se sukladno načelu općeg koncepta samodovoljnosti krvi, dragovoljnog neplaćenog davateljstva krvi i sigurnog transfuzijskog liječenja.

Provedba odredbi ovoga zakona, kao i podzakonskih propisa donijetih temeljem ovoga zakona, obveza je kantona i Federacije, zdravstvenih ustanova, zavoda zdravstvenog osiguranja i drugih pravnih i fizičkih osoba, a sukladno članku 3. spomenutog Zakona o krvi.

Suglasno članku 22. citiranoga Zakona o krvi prikupljanje krvi i krvnih sastojaka je procedura koja obuhvata izbor davatelja krvi ili krvnog sastojka (u daljnjem tekstu: davatelj), određivanje količine uzete krvi i način uzimanja krvi. Prikupljanje krvi i krvnih sastojaka u Federaciji zasniva se na načelima dragovoljnosti, besplatnosti, anonimnosti i solidarnosti. Za uzetu krv ili krvni sastojak zabranjeno je davatelju dati novčanu

naknadu. Davatelj ne smije primiti novčanu naknadu za danu krv ili krvni sastojak. Iznimno, u opravdanim slučajevima kada se davatelj krvi poziva od strane Federalnog zavoda, transfuzijskog centra ili crvenog križa/krsta radi davanja krvi, osigurava mu se jedan obrok i naknada putnih troškova što će se regulirati pravilnikom koji donosi ministar. Prikupljanje krvi se mora obavljati pod stručnim medicinskim nadzorom.

Na temelju plana iz članka 44. ovoga zakona, Federalni zavod za transfuzijsku medicinu i transfuzijski centri, u suradnji sa Crvenim križom/krstom Federacije Bosne i Hercegovine i kantona utvrđuju godišnji plan akcija dragovoljnog darivanja krvi za svaku kalendarsku godinu, slijedom članka 45. Zakona o krvi.

U cilju uspješnog realiziranja godišnjeg plana akcija dragovoljnog darivanja krvi Federalni zavod, transfuzijski centri i Crveni križ/krst Federacije Bosne i Hercegovine i kantona djeluju jedinstveno, a kako je to definirano člankom 46. Zakona o krvi.

Potom, Odlukom o maksimalnim iznosima neposrednog sudjelovanja osiguranih osoba u troškovima korištenja pojedinih vidova zdravstvene zaštite u osnovnom paketu zdravstvenih prava („Službene novine Federacije BiH“, broj 21/09) od plaćanja participiranja oslobođene su i osigurane osobe koje su dobrovoljni davatelji krvi, i to osobe koje su darovale krv 10 i više puta.

Nadalje, Odlukom o usvajanju programa utroška sredstava sa kriterijima raspodjele sredstava "Tekući transfer drugim nivoima vlasti i fondovima - za Zavod za transfuzijsku medicinu Federacije BiH" utvrđenih Proračunom Federacije Bosne i Hercegovine za 2023. godinu („Službene novine Federacije BiH“, broj 24/23) usvojen je Program utroška sredstava sa kriterijima raspodjele sredstava "Tekući transfer drugim nivoima vlasti i fondovima - za Zavod za transfuzijsku medicinu Federacije BiH", utvrđenih u razdjelu 20. Proračuna Federacije Bosne i Hercegovine za 2023. godinu („Službene novine Federacije BiH“, broj 6/23), ekonomski kod 614100, u iznosu od 1.400.000 KM.

Sredstva iz ove odluke raspoređuju se za sufinansiranje troškova Zavoda za transfuzijsku medicinu Federacije Bosne i Hercegovine u 2023. godini, a koji nastaju obavljanjem djelatnosti propisanih Zakonom o zdravstvenoj zaštiti („Službene novine Federacije BiH“, br. 46/10 i 75/13) i Zakonom o krvi i krvnim sastojcima („Službene novine Federacije BiH“, broj 9/10) u dijelu koji se financira od strane osnivača-Federacije Bosne i Hercegovine.

Svrha spomenutog programa utroška sredstava je, između ostalog i promocija i povećanje broja dobrovoljnih darivalaca krvi.

Potom, informiramo Vas da je na temelju Uredbe o kriterijima za utvrđivanje korisnika i načinu raspodjele dijela prihoda po osnovu naknada za priređivanje igara na sreću („Službene novine Federacije BiH“, br. 89/15 i 11/17), na prijedlog federalnog ministra zdravstva, Vlada Federacije BiH u 2022. godini, donijela Odluku o utvrđivanju liste korisnika i raspodjele dijela prihoda ostvarenih po osnovu naknada za priređivanja igara na sreću, prema kojoj je dio prihoda uplaćenih u Proračun Federacije Bosne i Hercegovine u 2021. godini, ostvarenih po osnovu naknada za priređivanje igara na sreću, u iznosu od 95.090,00 KM, dodijeljen za financiranje programa i projekata iz oblasti zdravstva „Organiziranje akcije dobrovoljnog darivanja krvi odnosno promocija dobrovoljnog davalašva krvi“.

Također, ukazujemo da smo, sukladno ovlastima, Vaš akt prosljedili svim kantonalnim ministarstvima zdravstva, te Zavodu za transfuzijsku medicinu Federacije BiH i Zavodu za javno zdravstvo Federacije BiH, a radi pribavljanja odgovora na postavljeno zastupničko pitanje. U privitku dostavljamo odgovore koje je ovo ministarstvo zaprimilo od navedenih institucija i ustanova.



Vaš broj:

Naš broj: 01-04-S-2547/23

Sarajevo: 30.8.2023

FEDERACIJA BOSNE I HERCEGOVINE
FEDERALNO MINISTARSTVO ZDRAVSTVA

31-09-2023

N/R MINISTRA DR NEDILJKO RIMAC

PREDMET: Odgovor na dopis br 02-33-4709/23, Poslaničko pitanje- Izjašnjenje

Poštovani,

Zavod za transfuzijsku medicinu FBiH kontinuirano organizuje akcije dobrovoljnog darivanja krvi na području FBiH, kako u državnim i privatnim ustanovama, srednjoškolskim i visokoškolskim ustanovama, tako i u saradnji sa nevladinim sektorom, na prvom mjestu sa Crvenim križem FBiH, udruženjem "Srce za djecu oboljelu od raka" i sl. Organizovanje akcija u kontinuitetu je najbolji način, kako promocije davalatstva, tako i animiranja stanovništva za dobrovoljno darivanje krvi, što za cilj ima smanjenje porodičnog davalatstva i obezbjeđivanje dovoljnih količina krvi i krvnih produkata za liječenje. Kako je strateški cilj svakog transfuzijskog servisa u svijetu obezbijediti "samodovoljnost" u krvnim pripravcima, svaka država mora iskoristiti sve raspoložive resurse za ostvarenje tog cilja.

Zavod za transfuzijsku medicinsku medicinu FBiH na najbolji mogući način koristi raspoložive resurse i sredstva, koja nisu adekvatna namjeni i cilju. Budžet Zavoda za transfuzijsku medicinu Federacije za 2023.god. namijenjen za promociju dobrovoljnog darivanja krvi iznosi 6.000 KM, te 4.000 KM za obilježavanje Međunarodnog dana dobrovoljnih darivalaca krvi(14.juni). Uz to, Zavod ne posjeduje adekvatno namjensko vozilo za transport darivalaca i donirane krvi, sa ugrađenim hladnim lancem. Optimalno bi Zavod trebao imati specijalno vozilo, tzv" transfuziobus", koji bi optimizirao mobilnost, univerzalni pristup, sigurnost i dostupnost ekipa Zavoda darivaocima krvi širom Federacije.

U skladu sa naprijed navedenim, Zavod uspješno organizuje akcije dobrovoljnog darivanja krvi(u periodu I-VI 2023.god : 173 akcije darivanja krvi, od toga 143 Zavod, a 30 akcija u saradnji sa Crvenim križem. U ovom periodu realizovano je 18 novih akcija darivanja krvi. Izvan Kantona Sarajevo organizovano je 16 akcija darivanja krvi, od toga 14 sa Crvenim križem/krstom (CK Olovo 6, CK Kiseljak 2, CK Donji Vakuf 1, CK Kakanj 1, CK Travnik 2, CK Visoko 1, CK Goražde 1). U proteklom periodu organizovane su i akcije u Bugojnu i Orašju.

Osim organizovanih akcija darivanja krvi, prisutan je i pozitivan trend samoinicijativnog organizovanja i javljanja stanovništva za darivanje krvi, što uz. ciljane pozive darivalaca iz Baze podataka, rezultira uspješnom realizacijom strateškog cilja Zavoda.

Najbolji način animacije stanovništva za ovaj plemeniti čin je, svakako, direktni kontakt i "živa riječ" u edukaciji mladih u srednjim školama i fakultetima, ali i ostalim kategorijama stanovništva, koje je podobno za darivanje krvi. Međutim, naravno, Zavod koristi pogodnosti modernog doba i dostupnih tehnologija(TV i Radio emisije;



tor:+38733567300; Fax:+38733567333; Kolekcija/dežurni:+38733567301;

Koagulacija:+38733567316; Propaganda: +38733567304;

web: www.ztmfbih.ba; e-mail: ztm@ztmfbih.ba

1

Zavod za transfuzijsku medicinu F BiH
Čekaluša 86
71000 Sarajevo
Bosna i Hercegovina



Blood Transfusion Institute
Cekalusa 86
71000 Sarajevo
Bosnia and Herzegovina

društvene mreže- facebook, instagram;), edukativni printani materijal- "Vodič za darivaoce krvi" i sl. Povremeno se organizuju i kampanje, kao npr. povodom Svjetskog dana darivalaca krvi, "Daruj kapi života", OLX daruje isl. Obim i frekvencija kampanja su limitirani finansijskim sredstvima. U pripremi je izrada specijalne(android) aplikacije za dobrovoljne darivaoce krvi, koju će u potpunosti finansirati jedna privatna kompanija.

Smatramo da ima neiskorištenih resursa u Federaciji Bosne i Hercegovine, kada je u pitanju promocija i animacija dobrovoljnog darivanja krvi, te obezbjeđenje prikladnih nematerijalnih benefita za dobrovoljne darivaoce krvi. Jačanje kapaciteta i razvoj transfuzijskog servisa u Federaciji je preduslov bez kojeg se ne može očekivati permanentno ispunjenje stalno narastajućih zahtjeva svih interesnih skupina, kako kvantitativnih, tako i kvalitativnih, na polju krvnog bankarstva, ali i transfuzijske medicine Federacije, u širem kontekstu. U konačnici, BiH ima obavezu, kao članica Vijeća Evrope, ali i kao kandidat za predpristupne pregovore u EU, da sve relevantne zakone i praksu u oblasti transfuzijske medicine, uskladi sa EU standardima. Neophodno bi bilo u skoroj budućnosti izraditi Plan informatičkog uvezivanja transfuzijskog servisa u Federaciji u jedinstven sistem, što je i obaveza prema Zakonu o krvi Federacije.

S poštovanjem,


Direktorica:

Prim. mr sci.dr Aida Dozo



tor:+38733567300; Fax:+38733567333; Kolekcija/dežurni:+38733567301;
Koagulacija:+38733567316; Propaganda: +38733567304;
web: www.ztmfbih.ba; e-mail: ztm@ztmfbih.ba

2



100

ZAVOD ZA JAVNO ZDRAVSTVO FBiH
INSTITUTE FOR PUBLIC HEALTH FB&H

02

Broj: S-05-02-5-1248-1/23
Datum, 29.8.2023.g.

31-09-2023

FEDERALNO MINISTARSTVO ZDRAVSTVA

n/r Dr Nediljko Rimac, ministar

Predmet: Poslaničko pitanje poslanika Admira Čavalića, dostava odgovora

Veza: Vaš dopis broj 02-33-4709/23 od 28.08.2023.g.

Poštovani,

Vezano za poslaničko pitanje poslanika u Predstavničkom domu Parlamenta F BiH Admira Čavalića koje se odnosi na aktivnosti koje se provode u vezi promocije darivanja krvi na području F BiH želimo istaknuti sljedeće:

Zavod za javno zdravstvo F BiH obilježava Svjetski dan dobrovoljnih davalaca krvi zajedno sa domaćim i međunarodnim organizacijama svake godine za koje pripremamo i tematske materijale, a sa Crvenim križom F BiH imamo potpisan Sporazum o suradnji kojim su definisane promotivne aktivnosti na svim nivoima (federalnog, kantonalnog, gradskog/općinskog nivoa).

Radnici Zavoda nakon darovanja krvi prema Pravilniku o radu Zavoda mogu koristiti slobodan dan.

S poštovanjem!

DIREKTOR


prim. mr. sc. Siniša Skočibušić, dr. med.



Broj: 09-33-9345-2
Bihać, 7.9.2023.godine

23

FEDERALNO MINISTARSTVO ZDRAVSTVA
SARAJEVO
Maršala Tita br.9



PREDMET: Poslaničko pitanje, dostavlja se odgovor,-
Veza: Vaš akt, br.02-33-4709/23 od 8.8.2023.godine

Poštovani,

U vezi poslaničkog pitanja gđina Admira Čavalića, poslanika u Predstavničkom domu Parlamenta Federacije Bosne i Hercegovine, a koje se tiče aktivnosti ministarstava u realizaciji promocije darivanja krvi, dostavljamo sljedeći odgovor:

Crveni križ Unsko-sanskog kantona i Crveni križ pojedinih općina, u suradnji sa Kantonalnom bolnicom organizuju darivanje krvi, kao i druge promotivne aktivnosti vezano za darivanje.

Za realizaciju tih i drugih humanitarnih aktivnosti, iz Budžeta Unsko-sanskog kantona –tačnije potrošačke jedinice Ministarstva zdravstva, rada i socijalne politike, svake godine Crvenom križu Unsko-sanskog kantona, izdvajaju se novčana sredstva. Tako je u 2023.godini, planirano finansiranje Crvenog križa Unsko-sanskog kantona u visini od 150.000 KM.

Dakle, ovo Ministarstvo ne provodi direktno promociju darivanja, ali istu finansira i prati aktivnosti.

S poštovanjem!

Dostavljeno:
1. Naslovu
2.a/a
(Aida Blažević)

MINISTAR
prim.dr. Muris Halkić, spec.pulmolog



04-09-2023

02

Bosna i Hercegovina
Federacija Bosne i Hercegovine
ŽUPANIJA POSAVSKA

MINISTARSTVO ZDRAVSTVA I SOCIJALNE POLITIKE

Tel./fax: 031/713-345, 713-277

E-mail: zdravstvo@zp.gov.ba

Broj: 07-33-420-1/23

Datum: 31.08.2023. godine

Federalno ministarstvo zdravstva
n/r Ministra

Predmet: Očitovanje o Inicijativi gđina Admira Čavalića, zastupnika u Zastupničkom domu Parlamenta FBiH, dostavlja se-

Poštovani, u svezi Vašeg dopisa broj: 02-33-4709/23 od 08.08.2023. godine, u daljnjem tekstu Vam dostavljamo traženo očitovanje.

Na području Županije Posavske se svake godine odvija organizirano darivanje krvi od strane Službe za transfuzijsku medicinu Županijske bolnice Orašje i Crvenog križa Županije Posavske. S obzirom da je odziv dobrovoljnih davatelja krvi svake godine značajan, a cijeneći značaj takve akcije za cjelokupni zdravstveni sustav, Ministarstvo zdravstva i socijalne politike Županije Posavske je svake godine financijski podržavalo navedenu akciju sukladno zahtjevu organizatora. Kao primjer navodimo 2022. godinu u kojoj je Ministarstvo zdravstva i socijalne politike Županije Posavske izdvojilo 6 000,00 KM za provođenje organiziranog darivanja krvi.

S poštovanjem,

MINISTAR

Damir Živković, mag.oec.



BOSNA I HERCEGOVINA
FEDERACIJA BOSNE I HERCEGOVINE



BOSNIA AND HERZEGOVINA
FEDERATION OF BOSNIA AND HERZEGOVINA

TUZLANSKI KANTON

MINISTARSTVO ZDRAVSTVA

TUZLA CANTON

MINISTRY OF HEALTH

Broj: 13/1-33-019969 /23
Tuzla, 31.08.2023. godine

05-09-2023

FEDERALNO MINISTARSTVO ZDRAVSTVA
Titova br. 9
71 000 Sarajevo

Veza: Vaš broj 02-33-4709/23 od 08.08.2023. godine

PREDMET: Izjašnjenje, dostavlja se

Poštovani,

Prema Informacija o obezbjeđivanju rezerve krvi za potrebe liječenja građana u Tuzlanskom kantonu sa osvrtom na status dobrovoljnih davalaca krvi i mogućnosti obezbjeđenja krvi kao lijeka za 2022. godinu transfuzijsku djelatnost na Tuzlanskom kantonu obavljaju Poliklinika za transfuziologiju JZU UKC- Tuzla i Odsjeka za transfuziju JZU Opće bolnice „ dr.Mustafa Beganović“ Gračanica. U planski organiziranim akcijama dobrovoljnog davanja krvi pod okriljem Poliklinike za transfuziologiju u 2022. godini bilo je:

- 5 457 prijavljenih davaoca
- 4 065 je moglo dati krv
- 1 392 nije moglo dati

Planom akcija bilo je predviđeno da se organizuje 180 akcija darivanja krvi, od kojih je 6 otkazano. Pored planiranih, organizovano je dodatnih 36 akcija, tako da je u 2022.godini realizovano ukupno 205 akcija darivanja krvi.

Samoinicijativno u polikliniku za transfuziologiju za darivanje krvi javilo se 3991 građanin sa područja našeg i drugih kantona.

Kriterije za darivanje nije zadovoljilo 755 građana, tako da je kroz ovaj vid darivanja prikupljeno 3236 jedinica krvi.

Radi nedostataka krvih pripravaka određenih krvnih grupa(najčešće se radilo o nedostatku dovoljnih količina koncentrata trombocita) moralo se insistirati na takozvanim ciljanim davaocima krvi i kroz ovak vid davalaštava za darivanje krvi javilo se 5656 građana, od koji za darivanje krvi nije bilo podesno njih 1601.

Rudarska 72. 75000 Tuzla

tel. 035/369-419, fax: 369-420

www.vladatk.kim.ba



Po pozivu iz Poliklinike za transfuziologiju za darivanje trombocita javila su se 103 građanina, dok je trombocite darovalo 91 građanin.

Uzevši u obzir sve oblike darivanja krvi, od ukupnog nbroja onih kojih su pristupili davanju krvi (15.0207) za darivanje krvi nije bilo podesno 3760 a krv je darovalo 11.447.

Odsjek za transfuziju Opće bolnice "Dr Mustafa Beganović" Gračanica ima jedan stacionarni punkt, a prikupljanje krvi se vrši samo u prostorijama službe, jer rad na terenu iz tehničkih razloga nije moguć.

Na osnovu dostavljenih podataka za 2022. godinu u Odsjeku za transfuziju Opće bolnice Gračanica evidentirano je **1522** davalaca krvi, od kojih:

- **432** su bili dobrovoljni davaoci krvi,
- **911** porodično-ciljani davaoci krvi
- **179** su odbijeni davaoci krvi

Crveni krst Tuzlanskog kantona (CKTK) sve aktivnosti na programu dobrovoljnog davalatstva krvi u 2022. godini realizovane su u saradnji sa Poliklinikom za transfuziologiju UKC Tuzla, u skladu sa Planom i programom akcija dobrovoljnog davanja krvi.

Crveni križ Gračanica sprovodi aktivnosti promocije i organizacije darivanja krvi za potrebe JZU Opća bolnica "Dr Mustafa Beganović" Gračanica.

Za potrebe realizacije ovog programa ne postoji sistemski uređen način finansiranja, već da se sve aktivnosti realizuju putem vlastitih sredstava gradskih/općinskih i kantonalne organizacije Crvenog krsta.

Povodom Međunarodnog dana dobrovoljnih davalaca krvi, Crveni križ TK sa Crvenim križem Grada Tuzle i Poliklinikom za transfuziologiju organizovao je dodatnu akciju davanja krvi na gradskom trgu u Tuzli, što je iskorak u kreiranju akcija dobrovoljnog davanja krvi. Akciji su se odazvale 102 osobe, a 81 je darovala krv.

Na osnovu navedenih podataka dolazi se do sljedećih informacija:

- Ukupan broj dobrovoljnih davalaca krvi na (u svim vidovima davalatstva) nivou TK-a u 2022. godini (UKC i Opšta bolnica Gračanica i Crveni križ) - **12 871** što je za 6.660 davoaca više nego za 2021. godinu.
- Kriterije za davanje krvi nije ispunilo **3960** davalaca krvi



Neophodan cilj svih budućih promotivnih aktivnosti mora biti omasovljenje dobrovoljnog davalaštva krvi kroz planski organizirane akcije, koje su najpogodnije u smislu blagovremene i adekvatne pripreme krvi i lijekova od krvi za primjenu.

Konstantan cilj mora biti očuvanje stalnih, sigurnih davalaca krvi, koji su iz populacije niskog rizika od mogućeg prenosa zaraznih bolesti, a kroz dodatno proširenje pogodnosti i beneficija koje društvo može pružiti dobrovoljnim davaocima krvi kao vid zahvalnosti i poštovanja.

PRIJEDLOG MJERA

Formirati Koordinaciono tijelo koje bi konkretno radilo i dalje na realizaciji Planski organizovanih akcija, stvaranju i realizaciji plana promotivnih aktivnosti, i rješavalo sva tekuća pitanja koja mogu uticati na realizaciju svih aktivnosti koje se tiču dobrovoljnog davalaštva.

Iznaći mogućnost trajnog i stabilnog finansiranja promotivnih i drugih aktivnosti Crvenog kiža Tuzlanskog kantona kada je u pitanju dobrovoljno davalaštvo krvi.

Zadužiti Radio-televiziju Tuzlanskog kantona za izradu promotivnih klipova koji bi bili besplatno ustupljenji drugim medijskim kućama na području kantona.

Dostavljeno:

1x Naslovu

1x a/a



Dr
MINISTAR

Dr. Dušanka Bećirović
Prim.dr.Dušanka Bećirović



08

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA /SREDNJOBOSANSKI KANTON
Ministarstvo zdravstva i socijalne politike**

Staničina 43 72270 Travnik BiH
Tel: +387 30 511 536 Faks: +387 30 518 661
Email: mzsp@sbk-ksb.gov.ba Web: www.sbk-ksb.gov.ba

Broj:08-33-6610/23
Datum:06.10.2023. godine

Federalno ministarstvo zdravstva Sarajevo
-ministru-

Federalno ministarstvo zdravstva i socijalne politike
Sarajevo

PRIMIO SE		11-10-2023	
Dokument broj	Ministarstvo odjel	Redni broj	Priloga

Odovori na zastupničko pitanje, zastupnika Čavalić Admira
-dostavlja se-

Poštovani,
U privitku akta, dostavljamo vam odgovore na zastupničko pitanje, zastupnika Admira Čavalić.

Privitak: preslik odgovora JU Bolnica Travnik i Hrvatske bolnice „dr. fra. Mato Nikolić“ Nova Bila.

Dostaviti:
-naslovu;
-a/a.



MINISTAR
Anto Matić

HRVATSKA BOLNICA
DR. FRA MATO NIKOLIĆ

DUBRAVE B.B. NOVA BILA
TRAVNIK



Broj: 01- 2521 -1/23
Nova Bila, 31.08.2023.

MINISTARSTVO ZDRAVSTVA I SOCIJALNE POLITIKE KSB
Stanična 43, 72 270 Travnik
mzsp@sbk-ksb.gov.ba

PREDMET: Odgovor na zastupničko pitanje

Poštovani,

Sukladno Vašem dopisu broj: 08-33-6610/23 od 30.08.2023., a glede zastupničkog pitanja zastupnika Admira Čavalića, u nastavku Vam dajemo odgovor. Aktivnosti glede darivanja krvi Hrvatska bolnica „Dr. fra Mato Nikolić“ dominantno provodi u suradnji s organizacijom Crveni križ, na terenu u općinama Kantona Središnja Bosna ili u prostoru naše ustanove. To se provodi kroz plan akcija tijekom cijele godine prema općinama djelovanja Crvenog križa. Također, s pojedinim poduzećima, tj. njihovim zaposlenicima, se organiziraju akcije dobrovoljnog darivanja krvi, u bolnici ili van iste. Naravno, u suradnji s obrazovnim i drugim ustanovama te putem sredstava javnog informiranja se nastoji podići svijest o značaju darivanja krvi kroz predavanja, priopćenja i sl.

S poštovanjem,


dr. Mladen Čuturić, ravatelj

Dostaviti:
-1 x naslov
-1 x a/a

JAVNA USTANOVA BOLNICA TRAVNIK
OSNOVANA 1899.

Ul. Kalibunar bb, Travnik, telefoni: direktor 030/519-105, 030/509-926, pomoćnik direktora za ekonomske poslove 030/509-448, pomoćnik direktora za pravne poslove 030/509-929, fax 030/511-775, e-mail: bolnica_tr@bih.net.ba

BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA /
SREDNJOBOSANSKI KANTON
TRAVNIK
Ministarstvo zdravstva i socijalne politike
Anto Matić, dipl.inf

Transakcijski račun br. 1549212004814619
Identifikacioni broj: 4236012220004
PDV broj: 236012220004
Poreski broj: 09000916
Registracija u Kantonalnom sudu Travnik
Us/II 15/02 reg.br. 2-135

Vaš broj:

Naš broj: 10-6559/3

Datum:

06.10.2023.g.

PREDMET : **Odgovor**, dostavlja se


Poštovani,

U prilogu Vam dostavljamo odgovor na Vaš dopis broj:08-33-6610/23 (zastupničko pitanje, zastupnika Čavalić Admira)

S poštovanjem

Prilog:
-kao u tekstu

DIREKTOR
Dr.Adnan Šatrović



JAVNA USTANOVA
BOLNICA TRAVNIK
Transfuziološka služba

Br. 20/155
04.10.2023 god.
TRAVNIK

Na ruke direktora Šatrović Adnan

JAVNA USTANOVA "BO" TRAVNIK	
Prima	7.10.23.
6550/2	-

Predmet: ODGOVOR NA POSLANIČKO PITANJE ,gdina Admira Čavalića , a vezano je za aktivnosti koje se sprovode u vezi promocije darivanja krvi na području Federacije BiH.

Služba za transfuziju krvi JU Bolnica Travnik obavlja poslove prikupljanja, skladištenja, čuvanja krvi i distribucije iste za hospitalizirane pacijente.

Takođe je u uskoj sprezi sa Crvenim Križevima svih gradova na nivou SBK.

Na početku svake godine dobije se plan održavanja akcija darivanja krvi koji se obavlja svakog mjeseca u dogovoru sa Crvenim križem i sa Transfuzijskim Centrom N .Bila .

Također, imamo dobrovoljne davaoce svakodnevno koji dolaze u našu Službu, a imamo i davaoce, odnosno registar davaoca sa rijetkim krvnim grupama koji dolaze na naš poziv.

18.10.2023. naša Služba ulazi u MSŠ Travnik gdje prikupljamo krv od maturanata, odnosno davaoca koji su napunili 18 godina što znači da kontinuirano radimo na promociji doniranja krvi, tj. podizanju svijesti mladih ljudi za tim humanim gestom.

U saradnji sa Zavodom za transfuzijsku medicinu Sarajevo dogovaramo ulazak njihovih ekipa u prostore ,gradove ,SBK,zbog potrošnje krvi naših pacijenata na godišnjem nivou u Kliničkom Centru Sarajevo, oko 1000 doza godišnje, kod hematoloških i onkoloških pacijenata.

Naši saradnici, ljekari drugih specijalnosti upućuju davaoce krvi ka našoj zdravstvenoj djelatnosti da daruju tu dragocjenu tekućinu koja je jedini lijek koji se ne može proizvesti sintetskim putem.

Lokalne TV stanice imaju kratke reklame o značenju darivanja krvi.

14.06. Dan dobrovoljnih davaoca krvi, obilježavamo zahvalnicama, svečanostima u saradnji sa Crvenim križom.

Promocija i popularizacija dobrovoljnog a ne ciljanog davalaštva jedna je od osnovnih zadaća kojom Crveni križ nastoji osigurati dovoljne količine krvi.

U našem kantonu davaoci krvi koji su dali 10 i više puta krv oslobođeni su participacije na zdravstvene usluge.





Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-33-04- 39428-3/23
Sarajevo, 28.09.2023.godine

FEDERALNO MINISTARSTVO ZDRAVSTVA BiH
n/r Ministra, Dr. Nediljko Rimac
Maršala Tita 9
SARAJEVO

09-10-2023			
PREMIJENI			
PROJEKTOVAN			
ODRZANO			
ODLOZENO			

PREDMET: Odgovor na poslaničko pitanje – dostavlja se,

Poštovani,

Od strane Ministarstva zdravstva FBiH, dostavljeno nam je aktom broj 02-33-4709/23 dana 08.08.2023. godine poslaničko pitanje vezano za aktivnosti koje se sprovode u vezi promocije darivanja krvi na području Federacije BiH, a koje je u skladu sa Poslovníkom Predstavničkog doma Parlamenta Federacije BiH postavio poslanik Admir Čavalić.

Ministarstvo zdravstva Kantona Sarajevo je predmetno pitanje dostavilo JU Zavod za javno zdravstvo Kantona Sarajevo te zatražilo odgovor.

Zavod za javno zdravstvo Kantona Sarajevo je 26.09.2023.godine dostavio odgovor, akt broj 04.13-6064-1/23 od 25.09.2023.

Odgovor JU Zavod za javno zdravstvo Kantona Sarajevo na predmetno poslaničko pitanje dajemo u cjelosti u prilogu akta.

S poštovanjem,

PO OVLAŠTENJU MINISTRA
SEKRETAR MINISTARSTVA


Alen Katović, dipl.pravnik

DOSTAVITI:

- Naslovu
- a/a





Broj: 04.13-6064-1/23
Sarajevo, 25.09.2023. godine

n/p: Prof. dr. Haris Vranić, Ministar
Ministarstvo zdravstva Kantona Sarajevo
Reisa Džemaludina Čauševića 1, 71000 Sarajevo

Bosna i Hercegovina
Federacija Bosne i Hercegovine
KANTON SARAJEVO

PREUZETI:			
Organizaciona jedinica	Redni broj	Broj priloga	
10	04	35428	-3

123

Predmet: Odgovor na zastupničko pitanje – dostavlja se

Veza: Vaš akt broj: 10-04-39428/23 od 11.09.2023. godine

Poštovani,

Ministarstvo zdravstva Kantona Sarajevo dopisom, Vaš broj: 10-04-39428/23 od 11.09.2023. godine, obratilo se J.U. Zavod za javno zdravstvo Kanta Sarajevo za mišljenje na poslaničko pitanje koje je u skladu sa Poslovníkom Predstavničkog doma Parlamenta Federacije BiH postavio Admir Čavalić, poslanik u Predstavničkom domu Parlamenta FBiH i koje nam je dostavljeno u pisanoj formi kao prilog.

Pitanje se odnosi na informacije o aktivnostima koje realizujemo u oblasti promocije darivanja krvi, u okviru kojih programa i mjera, i u okviru kojih budžeta.

Posljednja aktivnosti J.U. Zavod za javno zdravstvo Kantona Sarajevo vezana za promociju dobrovoljnog darivanja krvi urađena je u okviru obilježavanja Svjetskog dan dobrovoljnih davalaca krvi 14. juni u 2022. godini.

Imajući u vidu da uz očuvanje zdravlja naših građana, društvena odgovornost, humanost i socijalni senzibilitet su među najbitnijim ciljevima naše ustanove, dana 13. juna 2022. godine u suradnji sa Zavodom za transfuzijsku medicinu Federacije Bosne i Hercegovine u prostorijama J.U. Zavod za javno zdravstvo Kantona Sarajevo organizirano je dobrovoljno darivanje krvi uz aktivnosti promocije dobrovoljnog darivanja krvi kao jednog od najhumanijih načina da se pomogne drugima. Aktivnost je obilježena uz slogan „Darivanje krvi je čin solidarnosti” kako bi se skrenula pažnju na ulogu koju dobrovoljno davanje krvi ima u spašavanju života i jačanju solidarnosti unutar zajednica. Za ovu priliku je pripremljen, dizajniran i štampan edukativno-promotivni materijal (u prilogu ovog akta). Također, ovom prilikom, u aktivnost dobrovoljnog darivanja krvi uključila su se 22 uposlenika J.U. Zavod za javno zdravstvo Kantona Sarajevo.



Adresa: dr. Mustafe Pintola br.1, 71210 Ilidža
Tel/fax: 627-889; 624-470
web: <http://www.zzjzks.ba>
e-mail: gzavod@bih.net.ba



J.U. ZAVOD ZA JAVNO
ZDRAVSTVO KANTONA

SARAJEVO



P.I. INSTITUTE FOR PUBLIC
HEALTH OF CANTON

SARAJEVO

Ove promotivne aktivnosti se realiziraju u okviru godišnjih planova rada Radne jedinice za socijalnu medicinu sa organizacijom zdravstva, zdravstvenom statistikom i informatikom J.U. Zavod za javno zdravstvo Kantona Sarajevo. Kao i sve druge promotivne aktivnosti koje se organiziraju od strane J.U. Zavod za javno zdravstvo Kantona Sarajevo, financirane su iz vlastitih sredstava J.U. Zavod za javno zdravstvo Kantona Sarajevo.

S poštovanjem,

Izradio

Dr. med. Damir Abdulahović, spec.

Damir Abdulahović

Kontrolisala

Prim. dr. med. Seniha Čelik, subspec.

Seniha Čelik



Direktorica

dr. prim. Alma Bungur

Alma Bungur

Prilog: Promotivni materijal sa zadnjeg obilježavanja Svjetskog dan dobrovoljnih davalaca krvi 14. juni



Adresa: dr. Mustafe Pintola br.1, 71210 Ilidža
Tel/fax: 627-889; 624-470
web: <http://www.zzjzks.ba>
e-mail: gzavod@bih.net.ba





14. JUNI

• SVJETSKI DAN DOBROVOLJNIH DAVALACA KRVI •

DARIVANJE KRVI JE ČIN SOLIDARNOSTI

• SVJETSKI DAN DOBROVOLJNIH DAVALACA KRVI •




World Health Organization

ZAVOD ZA JAVNO
ZDRAVSTVO ŠKOTONA
SARAJEVO


INSTITUTE FOR PUBLIC
HEALTH OF CANTON
SARAJEVO

World Blood Donor Day





**SVAKI
DOBROVOLJNI
DAVALAC
KRVI JE
HEROJ**

**SPASI
ŽIVOTI
DONIRAJ
KRV
DANAS!**



**DARIVANJE
KRVI JE ČIN
SOLIDARNOSTI**






**DARUJ
ŽIVOT,
DONIRAJ
KRV**

SIGURNA

KRV

ZA SVE

NAS





Bosna i Hercegovina
FEDERACIJA BOSNE I HERCEGOVINE
HERCEGBOSANSKA ŽUPANIJA
MINISTARSTVO RADA, ZDRAVSTVA,
SOCIJALNE SKRBI I PROGNAJNIH
TOMISLAVGRAD

Broj: 09-03-33-171/23

Dana, 11.09.2023. godine

29-09-2023

Federalno ministarstvo zdravstva

PREDMET: Odgovor, dostavlja se

Poštovani,

Sukladno vašem zahtjevu o izjašnjenju o poslaničkom pitanju gospodina Admira Čavalića, poslanika u Predstavničkom domu Parlamenta FBiH dostavljamo vam sljedeće:

Ministarstvo rada, zdravstva, socijalne skrbi i prognanih Kantona 10 redovno na godišnjem nivou podržava rad Crvenog križa, koji u svojim aktivnostima provodi akcije darivanja krvi. Osim njih upoznati smo i da drugi akteri organizirano darivaju krv (IPA HBŽ, MUP i slično). Što se tiče našeg kantona, najčešće se traži krv po potrebi putem medija i lokalnih portala.

Akt obradio: Davor Vrdoljak, pomoćnik za zdravstvo

S poštovanjem!

Dostaviti:

1. Naslovu
2. Pismohrani

MINISTAR
Momčilo Bajić